

# ***Ilanngussaq I***



INATSIARTUT

**Ilaqutariinnermut, Naligiissitaanermut  
Isumaginninnermullu Naalackersuisoq**

Ulloq: 22. oktober 2015

J.nr.: 01.31.11-00015

**Aningaasaqarnermut Akileraartarnermullu Ataatsimiititaliamit ataasinngornermi ulloq 26. oktober 2015, nal. 10.30-11.00 ataatsimiittarfik 1-imi siunersiorneqarnissamut aggeqqusissut.**

2016-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Ilaqutariinnermut, Naligiissitaanermut Isumaginninnermullu Naalackersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UKA 2015/7).

**Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2016-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput. Ataatsimiititaliap apeqqutaanut Naalackersuisut akissutaasa Aningaasaqarnermut Ataatsimiititaliamit misissorneqarnerat apeqqutinut pingaarnertut tunngavigineqarpoq.

Tassunga atatillugu apeqqutit makku Naalackersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 28. september apeqqutaanut normuliunneqartut assigaat.

**8. Suliassaqarfik 30 Ilaqutariinnermut, Naligiissitaanermut Isumaginninnermullu Naalackersuisoq**

**8.2 Konto pingaarneq 30.01.12 Danmarkimi eqqartuunneqarsimasunik oqaloqatiginnit-tartoqarneq**

- a) Kontomi pingaarnermi matumani suliassami kisitsisit ataatsimiititaliamit ujartorneqarput.

Riskov R3-mi pinngitsaaliisummik uninngatitat pillugit paasisutissat ataanni "Aappalaartumik" aamma "Sungaartumik" nalunaarsukkat Naalackersuisut taasagarfigaat:

Taamatut qalipaaterlugit nalunaarsukkat qanoq isumaqartinneqarpat?

**8.3 Konto pingaarneq 30.10.36 Erminerimi ullormusiat**

- a) Meeqqat ullumikkut inunngortartut inuiaqatigiit ukiumi tulliuuttuni 30-imi ineriartornerannut isumalluutigineqarnissaminnut naammattut Naalackersuisut isumaqarpat

– matumani immikkut eqqarsaatigineqarput utoqqaat – inuussutissarsiornermik ingerlatsinngitsut ukiuni qulikkaani aggersuni amerliartornissaat.

Meeqqat inuiaqatigiit ineriartornerannut isumalluutigineqarnissaminnut naammattut inunngortarnersut ataatsimiititaliamit apeqqutigineqarpoq. Naalakkersuisut akissutiminni isumersuutaat ataatsimiititaliamit isumaqatigineqarsinnaapput, ataatsimiititaliali apeqqutini akissutissarsinngilaa, taassumalu akineqarnissaa qinnutigineqarpoq.


Naalakkersuisumik siunersiuinermini allanik aamma apeqquteqarnissani ataatsimiititaliap naatsorsuutigaa.

-----

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiuilluni tulleriiaarinerit anguniakkallu pillugit naalakkersuineranut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguinngua uunga nassinneqarnissaa qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Ataatsimiititaliap sinnerlugu



Jens Immanuelson

Aningaasaqarnermut Akileraartarermullu Ataatsimiititaliap Siulittaasua



Aningaasaqarnermut Ataatsimiititaliamut akissuteqaatit

**Aningaasaqarnermut Ataatsimiititaliap ilassuteqaatit apequtaanut  
oqariartuutigisaanullu akissuteqaatit.**

26. oktober 2015  
Sagsnr. 2014-096002  
Dok. Nr. 2049030

**8.2a Konto pingaarneq 30.01.12 Danmarkimi eqqartuunneqarsimasunik  
oqaloqatiginnittartoqarneq**

**Risskov R3-mi pinngitsaaliisummik uninngatitat pillugit paasissutissat  
ataanni "Aappalaartumik" aamma "Sungaartumik" nalunaarsukkat  
Naalakkersuisut taasaqarfigaat:**

**Taamatut qalipaaterlugit nalunaarsukkat qanoq isumaqartinneqarpat?**

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

Tarnimikkut/qaratsamikkut nappaatillit pinngitsaalineqarlutik uninngatinneqaraangata  
"Aappaluttumik" aammalu "sungaartumik" nalunaaqutsersorneqartarput.

"Aappaluttumik nalunaaqutsiinerit" amerlanertigut assersuutigalugu politiit  
aggersarneqarsimatillugit tamatumani angelarsimaffinni perulluliornerit, qunusaarinerit  
imaluunniit imminut toqunnissamik siorasaarisimaneerit pissutigalugit  
nalunaaqutsersuinerit atorneqarnerusarlutik.

Nakorsap katsorsakkaminik oqaloqatiginninnermini pineqartup eqqarsartariaatitigut  
inissisimaneerit paasiniaavigisarpaa. Inatsisartut pissaanermik atuisarnermut inatsisaa  
naapertorlugu taamaasiornissaq ajornarsimangikkaangat (ass. arlaatigut  
ajoqusiinissamut/ajoqusernissamut annertuumik ulorianaateqartoqartoq), taava  
siullermik pineqartoq napparsimasutut uninngasariaqarnera siunertaralugu  
sunnerniarneqartarpoq. Tamanna ajornarsimappat taava pineqartoq  
ilisimatinneqassaaq, allatut ajornartumik nakorsaq "aappaluttunik  
immersuisariaqassasooq", tamatumani siunertaralugit pinngitsaaliisummik  
uninngatinneqarnissaa. Politiit tassaneeriinngippata aggersarneqassapput, taavalu  
isumagissallugu politiit pisortap (politifuldmægtigip) pappiaqqat  
inassuteqaatigineqartut akuersissutigissagai, tamatumalu kingorna inuk pineqartoq  
innartinneqassalluni.

"Pappiaqqat sungaartut" suliarineqassapput pineqartup nalinginnaasumik  
nakorsarisartagaani tamatumani nalilersorneqareersimassalluni ilumut inatsimmi  
piumasaqaatigineqartut naamassineqarsimaneerit (ass. inuup peqqisseqqinnissaa  
imaluunniit malunnaatilimmik pitsannguuteqarsinnaanissaa matuma kingorna  
anguniassallugu ajornakusoortorujussuussasooq). Siullermik inuk pineqartoq  
uninngasariaqarneranik sunnerniarneqassaaq. Tamannali ajornarsimassappat  
ilisimatinneqassalluni nakorsaq "pappiaqqanik sungaartunik" immersuisariaqassasooq,  
tamatumalu kingunerisaanik pineqartoq pinngitsaalineqarluni  
uninngatinneqartariaqalissasooq.

Nakorsap nalunaarusiaa politiinut nassiunneqassaaq/tunniunneqassaaq. Politiini oqartussaasut akuersereerneratigut tamip pissusaanut immikkoortortamut ingerlateqqinneqassaaq, qinnutigineqassallunilu pineqartoq immikkoortortamit tiguneqassasoq. Taamatut pisoqarsimatilugu politiit pisussaapput inuk pineqartoq aassallugu, tamatumalu kingorna immikkoortortaqaarfimmuut pineqartumut ingerlateqqissallugu.

### **8.3 Konto pingaarneq 30.10.36 Erninermi ullormusiat**

- a) **Meeqqat ullumikkut inunngortartut inuiaqatigiit ukiuni tulliuttuni 30-ini ineriartornerannut isumalluutigineqarnissaminut naammattut Naalakkersuisut isumaqarpat – matumani immikkut eqqarsaatigineqarput utoqqaat – inuussutissarsiornermik ingerlatsinngitsut ukiuni qulikkaarneq aggersuni amerliartornissaat.**

Soorlu akissuteqaammi siullermi ersersinniarneqarsimasoq, nunatsinni innuttaasut najugaqarfeqartarnerisa allanngoriartornerata kingunerivaa aningaasatigut ineriartorneq qiviaallakkaani ernumanartoqarsinnaasoq, tassami utoqqalisut amerlatsikkiartormata akerlianilli inuit sulisinnaassutut ukiullit ikiligaluttuinnarlutik. Tamatumani oqaatigineqarsinnaalluni meeqqat inunngortartut ikippallaarnerarlugit. Tamannali oqaatigiinnassallugu ajornanngippallaaqaaq, tassami innuttaasut taamatut ineriartuuteqarnerat kisiat inuiaqatigiinnut unammillernartuunngimmat. Innuttaasut ukiumikkut nikikkiartornerisa ataqatigiissumik piffissamullu ungasinnerusumut isiginnilluni pilersaarusiornissaq pisariaqaleriartortippaa, tamatumani innuttaasut atugarissaarnermikkut inissisimanagerisa tamakkiisuunnerusumik isiginnilluni oqimaaqatigiissumik ineriartortitsinissaq pisariaqalersikkiartormagu.

Inussiarnersumik inuulluaqqusillunga



Martha Lund Olsen